

卷十二

書名 事物紀原二十卷 正統九年序刊本
 撰者 宋高承撰，明陳華等校
 卷 卷十二
 內容分類 子類書 彙考 宋
 索書號 子部 類書 15
 編號 C5923100

[彩色首頁1](#)

[東洋文化研究所漢籍目錄 編號: C5923100](#)

[東洋文化研究所漢籍目錄所藏漢籍善本全文影像資料庫 索書號: 子部 類書 15](#)

[漢籍善本全文影像資料庫文本事物紀原二十卷 正統九年序刊本](#)

[版權所有: 東京大學 東洋文化研究所](#)

[使用上的注意事項](#)

事物紀原卷之一上

天地生植門

漢陽府推官 建安陳華批點
 致仕教諭南平趙弼校正



管子曰太易者氣之未見也太初者氣之始也
 者形之始也太素者質之始也形氣質具而
 故曰渾淪高氏小史曰太易氣象未分太初
 始萌太始氣象初端太素形氣變質太極形
 質已具然則元氣之始自太初也徐整三五曆紀

事物紀原卷之十二

漢陽府推官建安陳華批點
致仕教諭南平趙弼校正

(節鉞帥漕門)

提刑 淳化二年五月。詔諸路轉運司各命常參官一人專知
糾察刑獄公事。仍以司門董循等為之。三年四月。詔始
稱提點刑獄。景德四年七月。詔擇官提點諸路刑獄
公事。始命李拱等為之。

長漢公孫瓚討烏桓。詔令受劉虞節度。唐宋節度使之名。蓋
取此義。唐制邊郡。成寇之地。見加旌節。謂之節度使。自
肅宗景雲二年四月。以賀拔延嗣為河西節度使。始也。肅
宗至德以後。天下用兵。中原刺史一例受節度使也。

總管 晉有都督諸軍事。後周改為總管。唐武德初。邊要之
地。亦置總管以統軍。貞觀三年。李靖除定襄道。是也。

幕府 漢書衛青征匈奴。大克。就拜大將軍於幕中。故曰幕
府。幕府之名。始于此也。顏師古曰。幕府者。以軍幕為義。
蓋以軍出無常。居止故以張幕遮之。按史記廉頗李牧

為將。皆入幕府。是則非因衛青始有此號矣。漢文帝問馮唐。唐對上功幕府之說。則上將之稱幕府。其來久矣。
都督漢光武建武初。推置督軍御史。事竟輒罷。魏文帝黃初三年。初置都督諸軍事。然魏初投漢禪。已有持節都督。則非三年初置也。至明帝太和四年。始加司馬懿大都督之命。蓋自漢獻帝建安中。曹操為相。始有大將軍都督諸軍事。廿一年征孫權。還以夏侯惇都督二十六軍。都督之封。始建於此。唐因之。

撫字長民門

州牧 舜外有州牧侯伯。則州牧始自有虞也。

府尹 周成王之命君陳。王尹茲東土。春秋之時。為郡邑之長。或謂楚有令尹。蓋尹號之始也。漢京兆河南曰尹。唐以州郡建府者。皆曰尹。漢百官表曰。右內史武帝太初元年。改名京兆尹。此名官之始也。

刺史 秦以御史監郡。漢初省之。惠帝復遣監三輔。文帝十三年九月。遣丞相吏出刺。并督察御史。武帝元封五年。又置部刺史。察州邑。晉以來。任輕者。加持節。後周又加諸軍事。唐武德後。加號使持節。某州諸軍事。某州刺史。

宋朝以他官知州事。而刺史不臨州。以為武臣惟知官已。
知州 唐代宗大曆十二年五月一日。勅刺史有故。乃闕。但
令上佐依次知州事。則知州之名始自代宗也。

通判 宋太祖建隆四年四月。命賈玘等充荆南諸州通判。
諸州通判之置。蓋自太祖始也。

推官 唐百官志曰。節度觀察訪團練等使。皆有推官。舊唐
書云。天寶以後始置推官也。

縣令 周官有縣正。下大夫春秋之時。縣邑之長曰大夫。秦
本紀曰。孝公十二年。并諸小鄉聚為大縣。縣置令。公是則

縣令及丞。自秦孝公始也。漢百官表曰。縣令長皆秦官。
萬戶以上為令。減萬戶為長。宋朝會要曰。周襄六國聚
鄉置縣邑。其長齊晉曰大夫。魯衛曰宰。楚曰公。曰尹。秦
曰令。曰長也。

知縣 唐會要曰。宣宗大中五年十二月。景陵有賊。損神門戟
架。六年四月。以裴讓權知縣事。蓋知縣之名始於此。宋太
祖建隆元年六月。詔河朔與北地魏為大名。分治劇邑。常用能
吏。思慎釐於縣務。特選士於朝。行斷自朕心。以重其任。大理
寺司正奚璵知大名府。館陶縣事。監察御史王祐知魏縣。

楊應夢知永齊縣也。因于繼微知臨清縣。以朝臣知縣自此始。
縣志 史記秦孝公聚鄉為縣。置令丞。宋仁宗天聖四年詔
開封祥符兩縣各置縣丞一員在簿尉之上。

主簿 後漢始置主簿。繆彤為是職。魏晉以後號錄事。至隋大
業中諸縣始置主簿。主勾稽簿籍。糾正一縣非為之事。

教授 隋有州博。潘徽嘗為之。唐武德初府郡置經學博士。掌以
五經教授。德宗即位改為文學。宋神宗元豐中興大學。立三舍
以經術教養天下。又於諸大郡府各置教授一人。掌教
導諸生。如大學博士亦隋州博之職也。

司馬 曲禮天子之五官有司馬。周禮以為政官之率。又有
大小軍與行都等職。本任武之官。古者軍行則有之。魏
晉以後刺史帶將軍開府者則置之。唐高宗即位改
治中為司馬。節度亦有行軍司馬。宋朝與節度團練
副使並以為貶責之官。

醫學 唐貞觀二年九月十六日。諸州府置醫學博士。
助教 晉咸寧四年初立國子。置助教以教生徒。唐國子四
門俱有其官。

事物紀原卷之十二